

Havakniaktapirtut Tautuktipkalimaitavut Piutihi

Ighiinakhiimaitumik Tautuktipkalimaitavut Piutihi

Uvagut tamapta tutkumakuyavut tamainik naunaitkutihaptingnik manilikiyiinun tuyukpaktaptingnik ilitugiyutihainik. Ukuat Atuqtuarvik Havakviit ighiinakhimaitumik tutkumaniaktait tautuknaiklugit naunaitkutainin atukatayuktunin tuyukpaktainin.

Tairuinariakaktakhi kanuktut munagivakpaktaptingnik hiamayaktuhaungitunik inmingnun naunaitkutihanik.

Kitkuuyurutlu Kanuktutlu Inminikuktunun Hiamayaktuhaungitunik Ikayutihavut Munagiyutiriniaktahilu

Atuqtuarvik Havakviit iliurakhikpaktut nakuhiyumiutikarumaramik upainariakakvikhat nanminihamingnun uktuktunun ikayukhutiklu maniliurutihainun audlarutihanun nanminikakvikarumayunun, nanminikakviknunlunin angiliyumiutihainik ikayutihainiklu nanminikakvikhainik pihimalirumaktaitlu. Ukuat Havakviit angmaktait nanminikakviingit ukiahami 2000. Ublumun, Atuqtuarvik Havakviit havakhiimakhutik ikablutiklu hanakablutik ikayuktait Nunavunmi manihakvikhainik ikayukhutik manilikiyutihainik Inuit nanminikakviknun havaktuhanik amihuunik ikayukhutik nuvivikivikni atukiutikakhutik ikayukpaktutlu manilikutihainik tunivakhutiklu tapkununga Inuit nanminikaktaktunun angikhikhimayunun tamaini Nunavunmi ikayukhimakpaktut.

Atuqtuarvik Havakviit (katituta ilitagiyauniakturut ukununa ukauhiikakluta “uvarut”, “piutivut”, “uvaptirutlu” tamaini titirakhimayut uvani tuhayutihaini) nuvikilimaitavutlunin pikatigilimaitavutlunin inminikuktunun naunaitkutihanik havaktiungitunun Atuqtuarvik Havakviini, kihimi maliktuhani maliralikiyikkuni atukuyutikakata tuniyahavut talvunainak tuhapkaniaktavut. Piutivut inminikuktunun hiamayaktuhaungitunik naunaiyaktait kanuktut havaavut munaginahuaktiugit tamainik naunaitkutihaniklu naunaiyaktaitlu inminikuktukuk naunaitkutihaniklu hadja itunikulunin adlaninlunin atukatayuknaiktunikulunin pikatiginginariakaktavut tapkua adlanun angikatigiinunlu.

Kanugitunik Naunaitkutihanik Katitiginiakita?

Iiliffi inminikukhuhi, tunirufiuk naunaitkutihafingnik ilituriyutihainik Atuqtuarvik Havakviini, ukuat naunaitkutihanik katitirivaktavut ihivgiugiama uktutihakhi kiuyumaktavut tughituhilu tamayaptingniklunin havakhaptingniklunin.

Una inminikuktunun naunaitkutihangit katitiktavut pingahunik atugaghanik iliugakhikpaktut atani talva:

1. Naunaitkutihanik tuyukhiktut uvaptingnun ilingnin uktuihafingniklunin Inminikuktunun Manilikutainik Ukautihainunlun, tuyukhiraluaktutik titirakkutlunin kagitauyakkutlunin. Uvatuut, ukuat naunaitkutiit titirakhimaniaktut atihilu, titirakvikhilu, SIN nambalu, tamayahi akituyuniklunin, atukiutinik kanugunagutainik naunaitkutainiklu ukuningalunin manikkut tutkumavikmik atukpaktangnik naunaitkutainik tapkuat tuyuktaurumik inniinariakaktavutauk atukikvikhilu adlaniklu titirakhiktuhaniiklunin.
2. Naunaitkutihanik manikkut tutkumavikmilu manilikutihi kangagalukmi atukpaktaininlu adlanun manilikiyinin pikatirinariakaktavut ilitugiyutihaptingnik ilifingnik adlanin iglukpakyuanin naunaitkutainin ilitugiviginiaktavut manilikiyutiptingnik. Hamna atugaghaktavut iliugakatauyutauk tuhaajutihi uvaptingnun ukununa manikkut tutkumavikhilu atukikvikhilu kangagalukmi.
3. Adlanik naunaitkutihanik uvagutlu ilitugiyahavutlu ilifingnin nunami naunaitkutihaniklu.

Uvaguut ikayutihakakturut ilifingnun Tamayaniklu Havakhaniklunin, Pikatigiinginariakaktavut Naunaitkutihanik kihimi tamatkilimaitavut ikittuinaknik ilitugipkainagiakaktafi

Manihaligiafingniklu havaktugutlu ilitugipkainagiakaktavut adlanik piumayafingnik uktuktafingnik, pikatigiinginariakaktavut inminikuktunun hiamayaktuhaungitunik pikatigiikafuikanakniaktait kihimi ayuhautikakata atani titigakhimayunik.

Illuani Atuqtuarvik Havakviit Audlaviingini Havakhamingnun

Atuqtuarvik Havakviit havakatigiyait adlanun katimayiinun havakviinunlu tuniyutihainik tamayahaniklu havakhakhaniklu manihalikpaligumaktut atukatayuktut uktukpaktunun. Pikatigiinaktavut pingahunik atugaghainik inminikuktunun hiamayaktuhaungitunik naunaitkutainik uvaptingni havaptingniinik (havakviimiinik Illuani Atuqtuarvik Havakviit).

Ahikpani Atuqtuarvik Havakviini Havakviinin

Pikatigiiktait pingahunik inminikuktunun hiamayaktuhaungitunik naunaitkutunik ahikpanitunik havakviinun, katimayiinunlu atukikviknunlu kihimi nuutkakvikaktut maligalikiyini nutkaktipkaitakmata kihimi. Atani titirakhimayut uvatuut atukhimaitumik atukniaktutut itmata ahikpanituni angikatigiini tuhapkaktavut inminikuktunun naunaitkutihainun. Tuhapaktauyut hiamayaktuhaungitunik sainiktuhat Tuhapaktailiyaungituhani Angigutihainik, iluanitunik havaktiniklu ahikpakhimayunun havakatigiyutainunlunin. Ukuat tamatkingitait uvatuut atukhimaitumik kihimi atunguakunahukuknakmata tamainik tamatkingitait titirakhimayuni maligalikiyini. Pikatiginagiakaktavut inminikuktunun hiamayaktuhaungitunik naunaitkuhanik:

1. Adlanun havakviinunlu inminikuktununlu havaktiuyut Atuqtuarvik Havakviani kanatulakaktuniklu ihivgiugumakpagit havaktihimun atukiutainik tughitainiklunin, havakpaktainiklunin, ihumagiyainiklunin havaklugitlunin manilikutigivaktainiklunin. Uvatuut ilitugiumaguptatauk adlanin ahikpani havakviinin ikayutihainik ihivgiugutihainik atukiutihanik tughitihanik. Manikkut tutkumavikninlu tautugiamingni manilikutigivaktainiklu maligaliquiyikkunilu iliugaiyutihainik tutkumayuhanik makpigahanik.
2. Angikatigikhimayunik ikayuktiuyunik ilingnun, manilikiyiimiklunin, maligaliquiyikkuni ikayuktianiklunin havakvikninlunin pivaktanik iliffilunin adlaminlunin angikatiminlunin havakuvaktangnin piumayangnik.
3. Maligaliquiyikkut kaitkuyutikatalunin, kuatlikiyutikatalunin tapkuningalunin SIN namba tuyuktuhaupat Manikkut unguvakviinun.

Uvalu, tuhapkaniaguknahiyavut tamainun pingahunik inminikuktunun naunaitkutihainik Havakviinun havaktiuniaktunun uvaptingnunlunin manilikiviknunlunin manilikutikatakvikputlu. Ukuat havakviit kantulakakhutik munagiyutikaktut hiamayaktakhagingitainik naunaitkutihilu atuktakhaitauk tapkunuinak havakhanun havakuyakafuktaptingnun. Angirumangitkufi ilifingnik naunaitkutifingnik katitigikungitkufi, atukungitakhilu hiamayakungitkufiuklunin titirakhimayutut kulani, hivayainagiakaktakhi nambalunin titirakluhilunin atanitumik titirakvikmun. Kihimi, ilani, maligaliquiyit kihimi hiamayaktipkaiyutikalikamaiktahilunin angiktipkalimaikhutitlunin. Nuutkakvikainagiakaktavut tamayakputlunin havaat havakhiktuhaniklunin ukangitkuvit ilihimagaluakhutiklunin angigumangitkuvitlunin katitirutihainik naunaitkutihaptingniklunin, uvagut ilani ikayugiami ilifingnun ilitugipkaiyuhauyugut naunaitkutihafingniklu tamayakhiugufilunin havakhanunlunin ukurufilunin.

Hiamayaktuhaungitukut Naunaitkutihaniklu Tutkumayutihainiklu

Havaktikput malikuyavuktut atugaghanik hiamatipkaiyuhungitunik atukatakpaktunik inminikuktunun naunaitkutainik. Uvalu, munagivaktavut, kagitauyakkutlu atugaghanik hivuganaiyutihainik munagiyayumaktut naunaitkutihait adlat. Ukuningalu ihivgiukhimakpaktavut havakvikni atukpaktaptingnik titirakpaktunik atukatayuktunun naunaitkutainiklu adlangutikaktuhaukpatatauk himikhugitlu ahiguktukata.

Nutangukatakpaktait

Tuyukatakniaktavut, naunaitkutih atukikpaktafingniklu manilikutirivaktafingniklu. Adlangukhiktuhaukpata huuk naunaiyakluhiuk himinariakaktait nutangutihainik, hivayaktukhauyuhik kilaminuak adlangutikaktuhaurufi Atukatayuktunik hivayainaktaktut namba atanitumi. Ihuahakniaktavut naunaitkutihaniklu apighuiyutikarufilunin kiunginariakaktavutlu.

Ihivgiukniaktavut Inminikuktunun Tautuktipkainaituhanun Ikayutihavut

Ihivgiukniaktavut inminikuktunun tautuktipkainaituhanun ikayutihavut ihivgiuhikatakniaktut ukiumi atauhikmi. Kakugu kakugu nuutangukatakavut inminikuktunun hiamayahaungitunun ikayutainiklu tuyukniaktugutauk nuutangukhikpaktunik ikayutihainik adlangutihakata aipanin inminikuktunun hiamayahaungituni ikayutainik. Adlangulimaitavut, kihimi, uvagut inminikuktunun hiamayaktuhaungitunun ikayutainik pikatigilimaitait naunaitkutihainik titirakhimayumi uvani tuhayutihaini ilitugipkakakluhi kihimilu talvuna naunaitkutihik pikatigilimaitumaktuk. Kakugu kakugu, tautuinariakaktakhi nuutangukatakumik inminikuktunun hiamayaktuhaungitunik ikayutainik titirakhimayut kagirauyami titirakviani www.atuqtuarvik.com hivayainagiakaktuhi uvaptingnun piumagufi adjikutainik makpiranginik 1-888-645-2784 (Nunavunmi akitumik hivayakvianilunin) 1-867-645-2784. Tikuakhimayumik havaktikakturut inminikuktunun hiamayahaungitunik atanguyahamik havaktiuyuk Atuqtuarvik Havakviini kiunginagiakaktait ihumalutikagufi, apighuiyutihainiklunin ihuigiyutikagufilunin. Inminikuktunun Hiamayutikaktuhungitumik Havaktia hivayakvia uva 1-867-645-3425 kagitauyami titirakviatauk rhick@qiniq.com tuyukluhiuklunin atani titirakvianunlunin:

Atuqtuarvik Havakviit P.O. Box 900, Rankin Inlet, Nunavut
X0C 0G0. Umunga: Privacy Office